

曾國藩選纂

八

家

詩

鈔

下冊



世界書局印行



草思重此身輕。笑履鋒鏑如一楨。書生只肯坐帷幄。談笑毫端弄生殺。叫呼鑿鼓催上竿。猛士慙憐小兒黠。試問黃河夜偷渡。掠面驚沙寒霧。何如大艦日高眠。一枕清風搔茗客。

寄吳德仁兼簡陳季常

東坡先生無一錢。十年家火燒凡鉛。黃金可成河可塞。只有霜鬢無由玄。龍邱居士亦可憐。談空說有夜不眠。忽聞河東師子吼。拄杖落手心茫然。誰似濮陽公子賢。飲酒食肉自得仙。平生寓物不留物。在家學得忘家禪。門前羅亞十頃田。清溪遶屋花連天。溪堂醉臥呼不醒。落花如雪春風顛。我游蘭溪訪流泉。已辦布襦青行纏。稽山不是無賀老。我自與盡回酒船。恨君不識顏平原。恨我不識元魯山。銅駝陌上會相見。握手一笑三千年。

題王逸少帖

顛張醉素兩翁翁。追逐世好稱書工。何曾夢見王與鍾。安自粉飾欺盲聾。有如市倡抹青紅。妖歌嫵舞眩兒童。謝家夫人淡丰容。蕭然自有林下風。天門蕩蕩驚跳龍。出林飛鳥一掃空。為君草書續其終。待我他日不忿忿。

書林通詩後

吳儂生長湖山曲。呼吸湖光飲山綠。不論世外隱君子。傭奴販婦皆冰玉。先生可是絕俗人。神清骨冷無由俗。我不識君曾夢見。瞳子瞭然光可燭。遺篇妙字處處有。步遶西湖看不足。詩如東野不言寒。書似西臺差少肉。平生高節已難繼。將死微言猶可錄。自言不作封禪書。更肯悲吟白頭曲。(公自注遺稿終詩云茂陵異日求遺草猶喜初無封禪書)我笑吳人不好事。好作祠堂傍修竹。不然配食水仙王。一盞寒泉薦秋菊。

蘇子容母陳夫人挽詞

蘇陳甥舅真冰玉。正始風流起類俗。夫人高節稱其家。瓊璫寒松缺修竹。雞鳴為誓日日新。八十三年如一晨。豈惟室家宜壽母。實與朝廷生異人。忘軀徇國乃吾子。三仕何曾知愠喜。不須擁笏彊垂魚。我視去來皆夢爾。誦詩相挽真區區。墓碑千字多遺餘。他年太史取家傳。知有班昭續漢書。

次韻答賈耘老

五年一夢南司州。飢寒疾病為千憂。東來六月井無水。仰看古堰橫奔牛。平生管鮑子知我。今日陳蔡誰從邱。夜



寒水冷天地。開為我起鰲轅魚龍。重樓翠阜出霜曉。異事驚倒百歲翁。人間所得容力取。世外無物誰為雄。率然有請不我拒。信我人厄非天窮。潮陽太守南遷歸。喜見石廩堆祝融。自言正直動山鬼。豈知造物哀龍鍾。信眉一笑豈易得。神之報汝亦已豐。斜陽萬里孤鳥沒。但見碧海磨青銅。新詩綺語亦安用。相與變滅隨東風。

送戴蒙赴成都玉局觀將老焉

拾遺被酒行歌處。野梅官柳西郊路。聞道華陽版籍中。至今尚有城南杜。我欲歸尋萬里橋。水花風葉暮蕭蕭。半魁徑尺誰能盡。燈木三年已足燒。百歲風狂定何有。羨君今作峨眉叟。縱未家生執戟郎。也應世出埋輪守。莫欺老病未歸身。玉局他年第幾人。曾待子猷清興發。還須雪夜去尋君。

送陳睦知潭州

華清縹渺浮高棟。上有頽林藏石磴。一杯此地初識君。千巖夜上同飛鞚。君時年少面如玉。一飲百觴嫌未痛。白鹿泉頭山月出。寒光潑眼如流汞。朝元閣上酒醒時。臥聽風鸞鳴鐵鳳。舊游空在人何處。二十三年真一夢。以上舊詩。以下轉入潭州。我得生還雪髯滿。君亦老嫌金帶重。有如社燕與秋鴻。相逢未穩還相送。洞庭青草渺無際。天柱紫藍森欲動。湖南萬古一長嗟。付與騷人發嘲弄。

用前韻答西掖諸公見和

雙鰐蟠礎龍蠶棟。金井輓轆鳴瑞甕。小殿垂簾碧玉鉤。大宛立仗青絲鞚。風颭窺天雲雨隔。狐臣忍淚肝腸痛。淚君意氣風生坐。落筆縱橫盤走汞。上樽日日寫黃封。賜茗時時開小鳳。閉門憐我老太玄。給札看君賦雲夢。金奏不知江海眩。木瓜屢費瓊瑤重。豈惟蹇步困追攀。已覺侍吏疲奔走。春還宮柳腰支活。雨入御溝鱗甲動。侍君妙語發春容。願我風琴不成弄。

送表弟程六知楚州 前住公母戚國太夫人程氏眉山著姓其姪之才字正輔第二之元字德孺第六即

楚州也之邵字懿叔第七

炯炯明珠照雙壁。當年三老蘇程石。里人下道避鳩杖。刺史迎門倒屣揖。我時與子皆兒童。狂走從人覓梨栗。健如黃犢不可恃。隙過白駒那暇惜。醴泉寺古垂橘柚。石頭山高暗松栢。諸孫相逢萬里外。一笑未解千憂集。子方























可是禁庫人，乃使駭驪隨蹇步。置之行矣無足道，賢愚豈在遇不遇。

用前韻作雪詩留景文

萬松嶺上黃千葉，載酒年年踏松雪。劉郎去後誰復來，花下有人心斷絕。東齋夜坐搜雪句，兩手龜坼霜須折。無情豈亦畏嘲弄，穿簾入戶吹燈燭。紛紛兒女爭相似，碧海長鯨君未掣。朝來雲漢接天流，顧我小詩如點蠅。歐陽趙陳在戶外，急掃中庭鋪木屑。交遊雖似雪柏堅，聚散行作風花瞥。晴光融作一尺泥，歸有何事真無說。泥乾路穩放君去，莫倚馬蹏如踏鐵。

次前韻送劉景文

白雲在天不可呼，明月豈肯留庭隅。怪君西行八百里，清坐十日一事無。路人不識呼尚書，但見凜凜雄丈夫。（公自注：君一馬兩僕，率然相訪，絕旅多呼尚書，意謂君都頭也。）豈知入骨愛詩酒，醉倒正欲蛾眉扶。一篇向人寫肝肺，四海知我霜鬢須。（公自注：君前有詩見寄云：四海共知霜鬢滿，重陽會插菊花無。）歐陽趙陳皆我有，豈謂夫子駕復迂。邇來又見三黜柳，共此踈熱還餐蘇。酒肴酸薄紅粉暗，祇有潁水清而殊。一朝寂寞風雨散，對影誰念月與吾。（公自注：郡中日與歐陽叔弼趙景貺陳履常相從，而景文復至不數日，柳戎之亦見，獨賓客之感，頃所未有，然又數日，收賜景文戒之皆去矣。）何時歸帆拆江水，春酒一變甘棠樹。（公自注：景文，字卜居，九江，近甘棠湖。）

蠟梅一首贈趙景貺

天工點酥作梅花，此有蠟梅禪老家。寶蜂採花作黃蠟，取蠟為花亦其物。天工變化誰得知，我亦兒嬉作小詩。君不見萬松嶺上黃千葉，玉蘂檀心兩奇絕。醉中不覺渡千山，夜聞梅香失醉眠。歸來卻夢尋花去，夢裏花仙覓奇句。此閒風物屬詩人，我老不飲當付君。君行適吳我適越，笑指西湖作衣鉢。

閻立本職貢圖

正觀之德表萬邦，浩如滄海吞河江。音容儉褊服奇麗，橫絕嶺海逾瀋龐。珍禽瑰產爭牽扛，名王解辯卻蓋幢。粉本遺墨開明窗，我唱而作心未降。魏徵封倫恨不雙。